

Mahathir anjur pelajar fahami hasrat rakyat

DR. Mahathir Mohamad hari ini menyeru para pelajar memahami hasrat rakyat dan jangan mengasingkan diri dari masyarakat.

Katanya, walaupun para pelajar mempunyai tanggungjawab tertentu dalam mencari ilmu pengetahuan "kehidupan mereka tidak semestinya terpisah dari masyarakat."

"Sebaliknya hubungan erat

K. LUMPUR, Ahad

perlu diwujudkan antara mereka dan masyarakat umum."

Menteri Pelajaran tersebut menegaskan demikian ketika merasmikan Hari Terbuka Kolej Ketiga Universiti Malaya pagi ini.

Bellau mensifatkan Hari Terbuka tersebut sebagai satu lagi usaha para pelajar untuk mendampingi rakyat.

Katanya, cara demikian membolehkan masyarakat luar terutama ibubapa dan saudara

mara meninjau lebih dekat kehidupan dalam kampus serta melahirkan hubungan mesra.

"Ini selaras dengan sikap dan pemikiran para pelajar dewasa ini untuk berdamping rapat dengan rakyat dan menyelesaikan masalah mereka," katanya.

Dr. Mahathir juga menyeru para pelajar universiti mengadakan kegiatan yang dapat memupuk semangat setiakawan di samping memupuk semangat kebangsaan terhadap universiti yang bukan saja tempat mendapatkan ijazah tapi bagi melatih pemimpin masa depan.

40 -
Bellau menekankan dalam usaha mengejar kemajuan dalam bidang sains dan teknologi kita tidak seharusnya melahirkan satu masyarakat yang mekanikal dan mementingkan kebendaan saja.

Sangkaan

Bellau yakin para pelajar sebagai golongan yang berpendidikan dapat menjadi tenaga penggerak untuk perubahan dinamik dalam masyarakat bagi semua aspek kehidupan.

Dr. Mahathir juga yakin acara Hari Terbuka ini dapat melenyapkan sangkaan-sangkaan yang kurang tepat mengenai kehidupan mahasiswa-mahasiswa di universiti.

Katanya keraguan ibubapa mengenai pengaruh-pengaruh yang tidak diingini ke atas anak-anak mereka akan hapus setelah mereka melihat sendiri kegiatan-kegiatan yang dipamerkan dalam Hari Terbuka ini.